

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In qua tractatur de Sacrementis in Genere, & duobus primis in specie

Bosco, Jean a

Lovanii, 1665

Concl. XV. Ab Ordine & Matrimonio publicè repellitur, cuius impedimentum occultum potest probari. Ordineriè tamen licet Matrimonium cum peccatore.

[urn:nbn:de:hbz:466:1-73340](#)

transferre , quantum est in se ; sed scit se non transferre , quia scit hec non ratificari a superiori . Prosequitur : Et si dicas , ergo ad hoc quod non mentitur , oportet dicere : Accipio te in meam , si Dominus permiserit . Respondeo : ista conditio semper intelligitur , quantumcumque sit absoluta locutio , & isto modo debet intelligi absolute verbum eius : Accipio te in meam , supple , quantum in me est , presupposita violentiā ista : & si Deus ratificaret per talēm consensum , quemad nunc habet , traditionem corporis mei fieri , tradicerem tibi meum , & in tantum trado , quantum tradi potest per talēm consensum .

234
An possit confessio in aliis in aliquo casu profere verba absolutionis sine intentione .

Ex his lati liquet distinctio inter Sacramentum Matrimonij , & alia Sacraenta , quorum irritatio pendet à sola voluntate , seu intentione ministri . Matrimonio adjungunt aliqui Poenitentiam ; supposita quippe voluntaria indispositione poenitentis , non est in libertate ministri confidere verum Sacramentum : vel ergo mori debet (ut supponitur in casu) quod durissimum appetat , vel potest proferre verba sine intentione .

Parum autem refert , quod poenitens puet se absolucionem ; quia eti absolveretur cum vera intentione , non esset absolutus . Et aliunde si dimittatur fine illa Absolutione , periculum est , quod eudem postea non confitebitur , ac proinde non evitatur illud incommodum . Præterea talis poenitens vel scit suam Absolucionem non valere , & nullum sequitur inconveniens ; vel bona fide existimat valere , & postmodum contendo cum legitima dispositione , ab illis peccatis indirecè absolvitur .

Cum ergo verba formæ Absolutionis sèpius sine intentione absolvendi licet proferre , ut patet in Absolutione generali extra Sacramentum ; immo in ipso Sacramento , sub conditione : Si penitens est dispositus ; cur non etiam (saltem absque gravi sacrilegio) ad mortem evitandam , tametsi exteriis aliquibus appareat verum confici Sacramentum ? Hæc illi . Bene , an male , judicent viri doctores .

Atque ut in confectione Sacramenti omnis fictio esset graviter prohibita , non propterè sequitur illam sic esse prohibitam in casu Conclusionis , in quo non conficitur Sacramentum , sed scienti & volenti in Dominic corporis reverentiam confertur hostia non consecrata pro consecrata . Quæ omnia manifestè declarant , quæ difficile sit , supposito quod non interveniat idolatria , convincere grave sacrilegium in tali simulatione .

235 .
Dicastillo ,

Hinc Dicastillo post diffusam impugna-

tionem sententie Lugonis , tandem aliquando coactus illi adhæret , solum dissentientis in voce idolatriæ , nolens illas actiones externi cultus vocare propriam idolatriam . Sed parum curandum de nomine , quando constat de re , quæ juxta magis communem sententiam & judicium prudenter valde dissonat ratione ; tutissimum autem est in hoc & similibus casibus sequi communem sensum fidelium , quamvis forte evidens & convincens ratio nos lateat .

Sic ordinariè docetur , aliqua peccata facta in Ecclesiis , puta tactus impudicos & similia , contrahere malitia gravis irreverentiae ; quia populus graviter illis offenditur & scandalizatur : licet enim malitia scandali videatur diversa & per accidens , tamen indicat propriam malitiam , quando sub illa mover actus ad scandalum . Profectò gravitas vel levitas materia non solum defumenda est ex lege positiva , sed etiam saepe ex prudenti ratione , judicante per legem naturalem . Porro prudens ratio gravem judicat irreverentiam in administratione hostie non consecrata loco consecrata , tundemque illa gravitas proveniata . Hæc est communis sententia , à qua judico in praxi non facilè recedendum .

Quero autem ulterius : Ab Ordine & Matrimonio publicè repelli potest indignus ? Respondeo :

CONCLUSIO XV.

Ab Ordine & Matrimonio publicè repellitur , cuius impedimentum occultum potest probari . Ordinariè tamen licet Matrimonium cum peccatore .

Per impedimentum intelligo tam irritans , quam solum impediens . Atque in primis quod attinet ad Sacramentum Ordinis , Prelatis Ecclesiæ ex officio incumbit inquirere de idoneitate promovendorum seu ordinandorum ; quippe collatio Ordinis aut beneficiorum non est merus actus pasendi , quemadmodum alia Sacraenta ; sed est actio juridica , vel saltem Gubernatoris & Principis , ad quem spectat eligere ministros idoneos . Sibi ergo impotent si rejiciantur cum infamia , cum ingentian se contra publicam utilitatem in ea munia & officia , ad quæ non sunt idonei , sive ex jure naturali , sive etiam ex solo jure

236.
Prelatis Ecclesiæ ex officio incumbit inquirere de idoneitate ordinandorum .

jure positivo : præsertim cum ordinandi per se nullum habeant jus obligans Episcopum ad Ordines ipsis conferendos.

ordinandi interrogati tenetur impedimentum detegere, etiam cum propria infamia c. Nisi cuan pridem i.o. cum propter infamia non poterit subictere. Et cap. Innotuit 20. de Elect. ibi: Qui suum malum confiteri reatum, quam laesa conscientia thronum ascendere pastoralem. Clarissime c. Ex paenitentibus 55. dist. 50. ibi: Deponatur a clero, quia se ordinacionis tempore non prædictus. Ad quæ videtur attendisse Lucius Papa relatus in c. Ad aures 5. de Temp. ordinat. ubi dicit, Episcopum deberet non ordinare Religiosos Prelati contradicentes; & reddit rationem: Quoniam esse potest, quod Prelati eorum commissa secreta noverint, ex quibus constat eis, quod salvâ conscientia nequeunt sublimari.

237. Quid fieri debet, si ordinandus jus habeat ad Ordines ratione beneficij, aut dignitatis quam possidet? Respondet Lugo debere ordinari, si impedimentum occultum non potest probari. Ubi insinuat eum, qui non pretendit jus, repellit posse, et si crimen occultum nequeat probari. Quod ego intelligentum puto non de quolibet peccato mortali, sed de tali criminis, quod vel irritat Ordinationem aut impedit ex jure humano, aut certe notabiliter reddit hominem indonem ad Ordinationis functionem.

Alt. III. Probat autem Cardin. suam resolutio- nem ex c. Ex tenore 4. de Temp. ordinat. ubi Alexand. III. de Clerico, qui adeo deliquerat, quod si peccatum eius esset publicum, degradaretur ab Ordine quem suscepit, & amplius non posset ad superiores Ordines promoveri; de tali (inquam) Clerico decernit in hæc verba: Veruntamen quia peccatum occultum est, si prouoveri voluerit, eum non debet aliquæ ratione prohibere.

Glossa verbo Prohibere tres adhibet conciliaciones hujus textus cum sequenti capite: Ad aures, supra citato. Hic loquitur (inquit) de seculari, ibi de regalitate, qui non habet propriam voluntatem. Vel illud propter scandalum Prelatorum; hic nullum scandalum. Vel melius istud, cum quis pertinet Ordines, habet ius prætendi ratione tituli, quem habet, vel dignitatis; illud, cum ius prætendendi non habet, & ideo Prelatus suu potest cum repellere. Quod nullatenus contrariantur nostræ conclusioni (ut patet) nam solum assertum occultum criminis posse repellere cum infamia, quando crimen potest proba-

ri, de quo non loquitur textus citatus.

An autem possit repellere, quando crimen ita occultum est, ut nequeat legitime probari, constat tamen certò Episcopo ordinanti, fatis colligitur ex jam dictis. Sanè si nullum habeat jus, & admonitus secundum ordinem fraternaliter correctionis ut desistat à petitione, nihilominus publice se ingrat, & præsenter cum ceteris ordinandis, judicio posse & debere repellere tanquam ab Episcopo non admissum, licet aliqui inde suspicentur occultum aliquid delictum. Si autem jus habeat Ordinationis, juxta c. Ex tenore citatum, non debet aliqua ratione prohiberi.

Pro Matrimonio, Suppono Parochum sine gravi peccato irreverentiae posse assistere Matrimonio eorum, qui in malo statu contrahunt; idque quia non ministrat Sacramentum, sed tantum requiriatur tanquam testis & notarius publicus. Quod Prepositus 3. parte quest. 7. de impedimentis Matrimonij & plures cum ipso dicunt esse verum, etiam si peccatum foret publicum. Intellige quando peccatum non est simul impedimentum dirimens vel impediens. Nam impedimenta quantumvis occulta tenetur Parochus denunciare Episcopo, & Episcopus fortassis Nuntio, si alio modo non possunt Matrimonium impedire, & illo modo sperant impediendum; de quo plura modis reddit hominem indonem ad Ordinationis functionem.

Hic sufficiat pro veritate conclusionis, non minorem habere Parochum obligationem inquirendi impedimenta Matrimonij, atque Episcopus impedimenta Ordinis, præsertim irritantia; tum propter damnum tertij, quod natum est sequi ex Matrimonio invalido; tum propter continua peccata fornicationis, saltem materialia. Similiter ex Ordinatione invalida innumerum sequuntur sacrilegia, & damna irreparabilia in administratione aliorum Sacramentorum Eucharistie, Penitentia &c. quæ ad valorem suum exigunt Ordinem Sacerdotij.

Propterea jure meritorum Ecclesia exigit exactissimam inquisitionem impedimentorum, præcipue quidem irritantium; minus tamen principaliter etiam impedientium. Cum enim (ut dictum est) Parochus assistat Matrimonio tanquam testis & notarius publicus, ipsius munieris est inquirere, an contractus, cui assistit, sit legitimus, & an habeat conditiones à jure requisitas ad licetum sive ad validum, eodem modo, quo notarius

238. Quid facienda si crimen ita occultum sit, ut nequeat legitime probari; constat autem Episcopo ordinanti,

239. Parochus sine gravi peccato irreverentiae potest assistere Matrimonio in malo statu contrahendum.

Quod Prepos. 3. parte etiam de peccato publico.

Non minora obligatur Parochus inquirere impedimenta Matrimonij, quam Episcopus impedimenta Ordinis.

240.

notarius publicus in alijs contractibus
civilibus ; ceteroquin quomodo testari po-
terit Matrimonium secundum leges esse
initium ?

Hinc quemadmodum Judicis aut no-
tarii publici non est in alijs contractibus
civilibus inquirere ; an contrahentes pec-
cent vel non peccent contrahendo propter
malam intentionem , excommunicationem
vel similem cauam , sed an omnia obser-
ventur , qua in tali contractu observanda à
jure præscribuntur ; ita etiam imprestenti-
um Parochio non incumbit ex officio in-
vestigare , an conjuges peccent vel non
peccent ineundo Matrimonium , quia sunt
in malo statu vel propter excommuni-
cationem , aut similem aliquam cauam ;
sed an omnia ad sint , quae specialiter ad hunc
contractum jure humano vel divino requi-
runtur .

241. Et sicut Judex civilis potest repellere
à contractu merè politico , præmisâ mo-
nitione , qui publicè accedunt non ser-
vatis conditionibus jure requisitis ; pari
ratione Parochus potest & debet repellere ,
fraternâ correptione præviâ , qui publi-
cè accedunt ad contrahendum Matrimoni-
um cum impedimento irritante aut pro-
hibente ; secùs qui in excommunicatio-
ne , aut alias in peccato mortali : hæc
quippe non sunt specialia impedimenta
Matrimonij in quantum contractus est ,
sed generaliter prohibent susceptionem om-
nium Sacramentorum eorumque admini-
strationem , quando publica sunt .

Porro Parochus præfens Matrimonio
neque suscipit , neque ministrat Sacra-
mentum ; sed Ecclesia requirit ejus præsen-
tiam solummodo ut testari possit verè
contractum initium esse juxta leges jure
divino ac humano constitutas , propter
gravia peccata , que (ut loquitur Tridentinum sessione 24 de reformatione
Matrimonij cap. 1.) ex clandestinis Coniu-
gij ortum habent ; præsertim vero eorum , qui
in statu damnationis permanent , dum , priore
uxore , cum qua clam contraxerant , relata ,
cum alia palam contrahant , & cum ea in
perpetuo adulterio vivant . Quis autem jure
dixerit Concilia vel Tridentinum quod ir-
ritavit , vel Lateranense quod prohibuit
Matrimonia clandestina , attendisse ad pec-
catum , quod præcisè committitur propter
indispositionem contrahentium ad effectum
gratia ?

242. Certè denuntiationes , quas Concilij
Trident. inheret vestigijs Concilij
Lateranensis sub Innocent. III. celebrati ,
præcipit fieri antequam Matrimonium con-

trahatur , non concernunt peccata quæ-
libet occulta eorum , inter quos Mattri-
monium est celebrandum ; sed impedi-
menta diutixat irritantia vel impedi-
entia , ut suo loco patet , nullo , quod
sciam , contradicente , imò ipso Concilio
aperte comprobante , dum dicit supra : *Qui-
bus denuntiationibus factis , si nullum legitimum
opponatur impedimentum , ad celebrationem Ma-
trimonij in facie Ecclesia procedatur .*

Propter impedimenta igitur , & non
propter censuras , aut alia quæcumque pec-
cata , specialiter Parochio incumbit arcere
à Sacramento Matrimonij volentes con-
trahere , etiam cum eorum infamia , ubi alii
ter fieri nequit . Idem videtur est in profes-
sione Religiosa ; præmitum quippe Supe-
riores exactissimam inquisitionem condi-
tionum requisitarum ex jure communi , vel
particularibus statutis ad validam & lici-
tam professionem , cum potestate & volun-
tatem dimittendi novitium , etiam cum infamia ,
ubi opus fuerit .

Petet , an saltem Parochus non peccet
cooperando peccato contrahentium in
malo statu , quod sine ejus assistentiâ non
committerent , præsertim quando pecca-
tum est publicum , adeoque sine infamia
posset negare suam præsentiam ? Respon-
det Card. Lugo disp. 8. n. 219. eam coo-
perationem esse valde materialem & incul-
pabilem Parochio , qui non potest negare
suam assistentiâ , quam debet ut minister
publicus : sicut nec publicus notarius vel
judex potest negare auctoritatem sui mu-
neris contractui alicui legitimo , licet con-
trahens ex intentione prava peccet in ipso
contractu .

Rectè quidem ; sed aliud simile , quod
adjungit , non placet : Et sicut (inquit)
uxor non peccat reddendo debitum con-
jugale viro petenti contra votum castitatis ,
quod habet . At quanta dissimilitudo !
quippe conjuges , si volunt , contrahunt ab-
que peccato ; petitio copulae & ipsa copula
subsequens ex illa petitione contra votum
castitatis , necessariò est peccaminis ; adeo-
que quamquam mulier peccaret redden-
do (ut multi verosimilius judicant , quia
cooperatur ad actum externum , qui hic
& nunc nequit fieri absque peccato)
adhuc tamen Parochus satisfaciens muni-
eri suo , non est reus indigna ministerialis
aut susceptionis Sacramenti ; quia tota hu-
ius malitia ponder à voluntate contrahen-
tiuum , qui debite se disponendo licet mi-
nistrant & suscipiunt Sacramentum in po-
testate autem viri petentis non est justifica-
re copulam ; sed in potestate solius mulieris
coope-

cooperantis. Ex quo etiam patet disparitas inter virum petentem copulam ex prava intentione, & petentem contra votum castitatis.

244.
Non est in
parochio af-
fidente alia
obligatio,
quam vir-
tutis Chal-
citanus.

Ut ut sit de hac controversia, quæ est alterius loci, si vera est ultima pars conclusionis, qua restat probanda, non agnoscamus aliam obligationem in Parochio, quam communem virtutis charitatis, impediendi videlicet peccatum proximi quantummodum potest, dissuadendo quod malum est, &hortando ad id, quod bonum est. Evidem alijs persistebus in affectu malo, quem possent corrigeri si vellent, tenetur affilere.

Ordinarii licet et contrahere Matrimonium cum peccatore.

Ita habet praxis communis; quæ utique declarat non solum Pastor licet esse affilere Matrimonio peccatoris, verum etiam ordinarii nullum esse peccatum contrahere cum peccatore, ut habeat ultima pars conclusionis; maximè in his partibus, ubi permittitur ab Ecclesia Matrimonium Catholicum cum heretica. Sape etiam Pontifices dispensarunt, ut Catholicus cum heretica posset contrahere; non potest autem dispensare in re intrinsecè mala, sive non potest esse causa actionis intrinsecè mala, quæ alia non fieret.

245.
Objecatio.

Si dicas, ministrare Sacramentum indigno non ita esse intrinsecè malum, quin ex rationabili causa fiat licet, ut ex jam dictis fatus confat; in illis autem dispensationibus adfuisse justam causam. Respondes, causam dispensandi in lege Ecclesiastica non esse semper causam rationabilem ministrandi Sacramentum indigno. Patet: si Pontifex dispenset in impedimentoo consanguinitatis, quis propter ea dicat consanguineos posse contrahere in malo statu? Et tamen ex rationabili causa id licet, & supponitur rationabilis causa dispensationis.

Quando ergo Pontifices dispensantur, vel generaliter, ut in Concilio Chalcedonensi act. 15. can. 14. ibi: *Nisi forte spounerit se venire ad orthodoxam fidem d.m coniungitur persona orthodoxa.* Et c. 16. 28. q. 1. quod desumptum est ex Concil Agathensi c. 67. Non oportet (inquit) cum hominibus hereticis misere commixta, & vel filios vel filias dare, sed potius accipere, si tamen se profiteantur Christianos esse futuros & Catholicos; vel specialiter, ut fecit Clemens VIII. anno 1604. cum Catharina sorore Henrici IV. heretica & duce Barenii Catholicis; non fuit intentionis ipsorum declarare, causas allegatas per se exculpare indignantem administrationem vel receptionem Sacramenti (nam certum est apud omnes, ha-

reticum vel malum Catholicum peccare recipiendo Sacramentum) sed supposuerunt Pontifices, sublatâ per legitimam dispensationem lege Ecclesiastica prohibente hujusmodi connubia, ordinarii esse licetum Sacramentum Matrimonij indigno administrare.

Cardo ergo difficultatis in hoc vertitur, 246.
quod non appareat ratio sufficiens disparatis inter Sacramentum Matrimonij & alia, quæ diximus ordinarii non posse indignis administrari. Hac igitur ratio queritur, & non invenio meliorem, quam communem sensum totius Ecclesie, quæ humquam movit scrupulum fidelibus, qui contrahunt Matrimonium cum Catholicis existentibus in peccato mortali; sed unquisque tenetur se ipsum in gratia constitutere, comparem vero relinquere suæ conscientiae.

Nec mirum, cum in pluribus alijs (ut alibi diximus, & magis patet in proprio tractatu) non licet argumentari à Sacramento Matrimonij ad alia Sacra menta, eo quod Matrimonium non tantum sit Sacramentum, sed etiam contractus (non ita spectans publicam utilitatem, quam bene privatam contrahentium) in quo idem est petere seu accipere ab aliquo, ac eidem ministrare, quæ non habent locum in alijs Sacramentis, in quibus minister ordinarii est Parochus, cui ex munere proprio competit eorum distributio quasi persona publica & attendenti ad bonum publicum; atque ideo ad eum ex officio pertinet cognoscere merita vel demerita illorum, quibus bona communia distribuit, ut satisfaciat debito fidelis dispensatoris. Et quamvis in casu necessitatis laicus possit baptizare, tunc tamen sustinet vicem personæ publicæ.

At vero in Sacramento Matrimonij minister non est Pastor, nec homo publicus, aut distributor honorum communium, qui tamquam Oeconomus ex munere suo & debito fidelis dispensatoris debeat attendere & examinare merita suscipientium, sed est persona privata celebrans contractum, adeoque ex officio suo solum attendit ad utilitatem & commodum proprium: sicut in republica alia est obligatio Oeconomi distribuentis res communis, & alia particularis persona vendentis res proprias.

Quia igitur contractus Matrimonij ordinatur ad utilitatem privatam & externam contrahentis, non est tanta obligatio attendendi ad reverentiam Sacramenti; vel (ut melius loquar) non est

Ratio, cu^t
fideli contrahens cu^t
alio existentia
te in mortali
contrahunt Matrimonium cum Catholicis
peccatorum.

Disparitas
inter matri-
monium quod hoc
& alia Sa-
cramenta.

est tanta irreverentia Sacramenti Matrimonij si indigno ministretur, cum ordinarii interveniat utilitas temporalis ipsius ministri, quae non reperitur in administratione aliorum Sacramentorum, ubi sola spectatur utilitas suscipientis. Profectò sicut peto Sacramentum ab indigno ministro, modo id suadeat notabilis utilitas; cur in Sacramento Matrimonij non licet propter eandem causam indigno ministrare? Nam petere & ministrare quasi idem sunt: proinde non videtur contrahens magis debere sequi conditionem ministrantis, quam perentis. De cætero attendamus, inspiciamus, perfrutemur quod possumus, ne infideles (quod absit) ministri & dispensatores mysteriorum Dei inveniamur.

248. *An sit fides
Ils minister
qui vult
confidere
Sacramen-
tum incer-
tus devo-
tae.*

Et verò (interrogat quispiam) numquid fidelis minister est, qui vult confidere Sacramentum incertus de valore? Constanter & unanimiter assérunt DD. haud licitum esse ministrare Sacramentum cum dubio negativo (quando scilicet non est fundamentum ad assensum præbendum aliqui parti) nisi in necessitate sub conditione; quippe Sacramenti institutio ad minus videtur exigere probabile judicium, nè continuo exponatur periculo nullitatibus contra reverentiam ipsi debitam.

Confirmatur: quia præceptum naturale non forniciandi requirit judicium, saltem probabile, quod hæc persona sit sua; ergo similiiter præceptum baptizandi cum aqua naturali, quod hæc sit aqua naturalis.

249. Interim tamen quemadmodum dubius de valore Matrimonij potest reddere debitum, quamdiu petens procedit bonâ fide, quia præponderat aliud inconveniens, scilicet periculum privandi alterum possessione sua absque sufficienti probatione; vel (clariss loquendo) quia negando debitum exponit se periculo iniustitia, reddendo autem periculo solius fornicationis; ex duabus porro malis, ubi alterum est necessarium, minus est eligendum; ergo eligenda fornicatio, quia minus est peccatum, quam iniustitia: ita dico in extrema necessitate sine irreverentia utimur materiâ aut formâ dubiâ, quando certior haberi nequit; quia prævaler præceptum charitatis, & abstergit omnem irreverentiam, quæ alias in tali ministerio committeretur. Enimvero cum Sacraenta instituta sint pro salute animarum, & aliqua saltam spes effulget eam procurandi animæ aliquin in æternum certò peritura, potius reverenter quam irreverenter tractat Sacra-

mentum, qui ita illud administrat, maxime sub conditione; quippe illa non subsistente altera pars essentialis necessariò deficit, per consequens intentio Sacramenti. Sicut ergo nulla est irreverentia contrahere Matrimonium ex justa causa cum impedimento dirimenter absque intentione Sacramenti, quia verba contrahentium non sunt materia aut forma validi contractus; sic nec erit irreverentia in necessitate extrema baptizare cum liquore, de quo dubitatur an sit aqua naturalis, sub conditione veræ materiæ; quia si revera non est aqua naturalis, quod non pender à voluntate baptizantis, non hic, sed potius Deus, qui instituit aquam naturalem pro materia essentiali, irritat Sacramentum.

Sed cum hæc factis constent, tamen discussio inter DD. Catholicos est, an minister relicta materiâ aut formâ certâ, possit adhibere solum probabilem. Major pars amplectitur sententiam negativam, pro qua placuit sequentem conclusionem instituere,

CONCLUSIO XVI.

Minister non potest adhibere materiam aut formam Sacramenti solum probabilem, quando commode potest adhibere certam.

Secundum aliquos Auctores si alibi, 250
Sententia
Valquerii
aliorum etiam hæc sequi opinionem probabilem de valore materiæ aut formæ, si le- gem iustitiae, charitatis aut Ecclesiasticam excludas. Quidni (inquit) esset licet tum prudenter agere? Agit autem prudenter, qui sequitur opinionem probabilem. Sanè omnimoda in rebus humanis certitudo habere nequit, adeoque ad eam Deus non obligavit, sed ad moralem tantum, ne aliquin vix liceat operari, cum res practica difficillime cognoscantur, & varijs opinionibus subjecta sint.

Hercule si semper homo deberet sequi partem tutiorem, hoc est, in qua minus est periculum peccati, sive in qua nec materialiter potest esse peccatum, foris onus intolerabile, ut nemo ignorat qui novit diversitatem sententiarum circa licitum & illicitum in actibus humanis. Quin sepe quod est magis tutum, est minus probabile, id est, infirmioribus nititur fundamentis, puta, quod diebus festis teneamur conteri. Si